



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

In qua præter formulas Declaratoriarum Censurarum, ponuntur aliæ formulæ, tum Citationum, ac Monitionum pro validitate processuum requisitarum, tum Decretorum, aliorumve actuum ad opportunitatem, & ornatum materiæ incidentium; acceditque in calce Appendix miscellanea, plura, ad Gubernium ...

Monacellus, Franciscus

Venetiis, 1709

Sententiæ declaratoriæ excom. contentæ in c. 18. sess. 25. de regular.
Conc. Trid. Form. XXXV.

[urn:nbn:de:hbz:466:1-62433](https://nbn-resolving.de/urn:nbn:de:hbz:466:1-62433)

ex supra narratis Illustriss. enim hodie-
nus Episcopus Alexander Fidelis, qui an-
no 1696. succedit in Episcopatu, non
Fundator, sive Erector, (ut male sup-
ponit Historicus) sed gratia erectionis a
dignissimo Cardinali Petruccio obtenta
fuit merus Executor. Ne igitur lectores
Historiae ejusmodi decipientur, & ho-
nori, ac merito tanti Cardinalis deroget
devota posteritas, haec in obsequium ve-
ritatis, absque periculo aberrandi adver-
tenda propono.

21 *Et publicari mandamus.* Si reus a com-
mittatione, seu declaratoria hujus censu-
rae appellat, non poterit publicationem
Cedulorum suspendere, quia non admittit
appellationem, ut habetur in *cap. pericu-
lo de stat. regular. in 6. ibi -- contradic-
tores, atque rebelles per censuram Eccle-
siasticam appellatione postposita compescendo*,
qua Constitutio iterum, a Concilio Trid.
innovata in *c. 5. sess. 25. de regul. ean-
dem vim retinuit, & rigorem, man-
dans illam observari eisdem fere verbis
inobedientes, atque contradictores per Cen-
suras Ecclesiasticas, aliasque penas qua-
cunque appellatione postposita compescentes*,
quod verum est, quando Ordinarius ser-
vatis servandis, & modo in formula,
& annotationibus supra insinuato pro-
cessu, alias enim nulliter, & in justè ad
Censuras deveniret.

Advertendo, quod ubi accessus ad Mo-
nasteria Monialium præter prohibicio-
nem Episcopi, esset quoque laicis prohibi-
bitus vigore bannimentorum Magistra-

tus, seu Principis secularis, tunc con-
traventio, quo ad Sæculares, esset de-
lictum mixti fori, & posset puniri ab
utroque Judice, Sabell. *fum. div. tra. 9.*
§. Monasteria numer. 20. vers. Florentia
tamen.

De excommunicatione contenta in capit.

18. sess. 25. de Regular. Concil.

Trident.

Sapientissimi PP. Concilii Tridentini
consultè psalmographi verba recolentes,
quibus voluntariè se Deo sacrificare pro-
nunciat, & voluntaria oris sui benepla-
cita fieri in conspectu Dei obsecrat: ana-
themati subjecerunt omnes, & singulas
personas cuiusvis conditionis, si quomodo
docunq[ue] coegerint aliquam Virginem,
vel Viduam invitam ad suscipiendum ha-
bitum Religionis, vel earundem volun-
tatem illum accipendi impedierint. At
malum, quod ab Ecclesia eliminare stu-
duit hoc Decreto Concilium, jam hodiè
ingravescit, & maximam exoptat Episco-
porum vigilantiam, ne Virgines Paren-
tum, aut fratum imperio coacte, statum,
quem non elegerunt, invitæ suscipere ad-
stringantur. Quare si post suscepitum in
Religione habitum, vel post emissam pro-
fessionem, constet de vi illata, præter
declarationem nullitatis susceptionis habi-
tus, & respectivè professionis, Decreto
judiciali faciendam, poterit ordinarius ad
declaratoriam excommunicationis contra-
cogentem devenire.

Sententiae Declaratoriaæ.

FORMULA XXXV.

A Ttentia comparitione, & instantia Sor. N. in Seculo N. Monialis professæ
(sive Novitiae) in Monasterio N. *& intra Claustram degentis retento habitu*
de, & super nullitate sue professionis coram nobis intra quinquennium judiciali-
ter introducta, visis juribus pro illius parte exhibitis, toto processu desuper con-
structo, ex quibus constat de vi eidem illata, & de metu cadente in constantem Vi-
rurum incusso ab N. ad suscipiendum habitum Religionis, & emittendam profes-
sionem in dicto Monasterio: dicimus, & declaramus, professionem (sive habitus
susceptionem) per d. N. emissum, fuisse & esse nullam, & ad observantiam re-
gulæ, Monasterii ipsam minimè teneri, eiique propterea licuisse & licere absque

I 2 Vo-

Votorum violatione ad Sæculum redire, & à Claustra egredi, prout nos licentiam egressus liberè concedimus.

Item per caput separatum dicimus, & declaramus N. qui vim, & metum intulit, & d. N. ad suscipiendum habitum Religionis, & emittendam in cap. 18. sess. 25. de Regul. Concilii Trid. (vel si agatur de professione Viri, esse excommunicandum, prout excommunicamus) & tanquam excommunicatum, esse publicè denunciandum, prout nos denunciar volumus, & mandamus.

N. Episcopus N.

Loco ✠ Sigilli.

N. Actuarius.

S U M M A R I U M.

- 1 Qui vult allegare nullitatem suæ professionis, non auditur, nisi retento habitu Religionis intra Claustra.
- 2 Ex aliqua justa causa potest audiri extra Claustra retento habitu.
- 3 Qui vult reclamare, post quinquennium debet obtinere restitutionem in integrum à Papa.
- 4 Religiōi viri professi in Domibus non designatis, super nullitate corum professionis non audiuntur nisi coram Sac. Congreg. Concilii.
- 5 In processu construendo super nullitate professionis, citandi sunt, qui habent interesse.
- 6 Cogentes Virgines, vel Mares ad suscipiendum habitum Religionis sunt excommunicandi, & n. 7. 8. & 9.
- 10 Parentum confessio de vi illata, sufficit ad inferendas censuras, non autem ad annullandam professio-

- 12 Ad judicandum an metus incusus sit suscipientis, nec nè ad annullandam professionem, plura consideranda sunt, & num. 13. 14. 15. 16. 17. 18. 19. 20. 21. & 22.
- 23 Hermaphroditus, qui valide professus fuit, an possit à Religione dimitti absque licentia, Papæ, referuntur DD. Sententiæ, & num. 24. 25. 26. 27. 28. & 29.
- 30 Hermaphroditus est irregularis.
- 31 Hermaphroditus dicuntur Androgyni, quorum species abundat in America.
- 32 A censura inficta contra cogentes faminas, vel Viros ad suscipiendum habitum Religionis, an detur appellatio ostenditur.
- 33 Ordinarius procedens ad censuras viore rescripti Sacr. Congregationis, quid ager debeat indicatur & nu. 34.
- 35 Cogentes ad suscipiendum habitum Religionis, juste excommunicantur.

Denunciationis

F O R M U L A XXXII.

HIC auctoritate ordinaria denunciatur, & declaratur excommunicatus N. excommunicatione majori, ex eo, quia vi, metuè cadente in constantem virum incusso, coagit N. ad suscipiendum habitum, & professionem emittendam in Monasterio N. contra expressam prohibitionem Sac. Canonum, & Con-